

Յանոււմ են նոյն հացարսոյսերը (նաև դառադուռայ), ինչ որ նամակերտում:

Այստեղի կրթական գործը չափազանց տխուր և անմղ-
խիթար վիճակի մէջ է գտնուում. Ս. Նշան եկեղեցու բակում
է գտնուում գիւղի խալիֆայական փոքրիկ դպրոցը, ուր իբր
թէ սովորում են մօտ 30 աշակերտ-աշակերտուհիներ: Եկե-
ղեցին ունի «Անանիա» անունով ձեռագիր մի աւետարան:
Բնակիչների կէսից աւելին անգրագէտ է:

Այս գիւղից քառորդ ժամ հեռու, գէպի արևելք—
հիւսիս ուղղութեամբ, գտնուում է մի ուխտատեղի «Ղա-
զանաս» անունով. դա գմբէթաձև քարէ մի փոքրիկ սենեակ
է, ուր կան մի քանի խաչեր և մի արձանագրութիւն, որի
տառերը մաշւած լինելով՝ չկարողացայ կարդալ: Ղառղունի
և մօտակայ գիւղերից կանայք Համբարձման և Զատիկին երբեմն
ուխտի են գալիս:

Ղառղունի այգիները փուլած են գիւղից կէս ժամ հե-
ռու, մի բլրի կրճքին: Գերեզմանատունը գտնուում է գիւ-
ղին կից:

№	Կ Ա Ր Գ Ե Ր	Շուկչ
1	Աղքատ	100
2	Զունկոր	100
3	Միջակ	365
4	Ունկոր	200
5	Հարուստ	100
	Ընդամենը	865

Ս Վ Ա Ր Ա Ն

Ղառղունից մօտաւորապէս կէս ֆարսախ (2 վերստ)
գէպի հարաւ, մի բարձր, տափարակ բլրի վրայ փուլած է
Սվարանը. դա զուտ հայաբնակ մի գեղեցիկ գիւղ է, օդով ու
ջրով սքանչելի և դիրքով բանաստեղծական: Բայց աւելի
բանաստեղծական է գիւղի արևելեան մասը. նա ունի հա-
րուստ բուսականութիւն, ծովանման արտեր, որոնք գար-